

MANIFIESTU 8M 2025

¡Acabóse! Nin invisibles, nin precaries, nin esplotaes por curiar

Les muyeres, que sustentemos la vida, dicimos abasta y tomamos les cais para reclamar autonomía, xusticia social y l'abolición d'un sistema que nos prime. Ponemos nel centru de la nuesa vida y de la nuesa llucha los cuidados, porque ensin ellos nun hai vida, nun hai economía y nun hai futuru. El sistema cís-heteropatriarcal y capitalista esplotónos faciéndonos asumir los cuidados, invisibilizándolos y apostrándolos a les muyeres ya identificaes feminizaes. Esti sistema sustiense per cuenta d'una división inxusta: mientres unes producen bienes y servicios, otres tantes vense forzaes a sustener la vida per aciu el trabayu reproductivu y de cuidados, ensin remuneración, ensin derechos, esplotaes, precaries y ensin reconocencia social. So la escusa del amor y la obligación sociocultural, el capitalismu apodérase del nuesu trabayu para garantizar la mano d'obra futura ensin asumir los costes.

Negámonos a siguir susteniendo soles, esplotaes, precaries ya invisibilizaes tol trabayu de CUIDOS.

DESIXIMOS:

- **Cuiraos como derechu fundamental:** Un sistema de cuidados públicu, comuñal, universal y gratuitu que garantice tolos derechos pa quien sustienen la vida.
- **Condiciones llaborales dignes tamién nel sector de los cuidados:** Salarios xustos, convenios colectivos, estabilidá llaboral y accesu a la huelga pa toles trabayadores del sector, incluyendo la eliminación de la fendedura de xéneru nes pensiones y la reconocencia económica y social de quien dedicaron la so vida a curiar.
- **Accesu a una vivienda digna:** Polítiques xustes de vivienda algamadiza y accesu a los suministros básicos, énte la crisis habitacional.
- **Proteición ante cualaquier crisis:** Midíes de protección en momentos críticos, una y bones les guerres, les crisis económiques o los desastres naturales, como la DANA en València, afecten de manera desproporcionada sobremanera a muyeres y persones en situación de vulnerabilidá.

Dende la **CGT**, tamién desiximos la fin de la precariedá estructural que nos conderga a la esplotación y la desigualdá:

- **La fin de la división sexual del trabayu y de la fendedura salarial y de les pensiones.**
- **Eliminación de cualisquier tipu de violencies escontra les muyeres, persones disidentes, LGTBIQA+....**
- **Esraigonamientu de sesgos de xéneru na salú llaboral y eliminación del machismu en toles sos formes y manifestaciones.**
- **Derogación de la reforma llaboral y de les pensiones que nos conderga a trabayar más allá de les nueses capacidaes.**
- **Derogación de la llei mordaza.**
- **Establecimientu d'una renta básica de les iguales y amenorgamientu de la xornada llaboral a 30 hores.**
- **Visibilidá y representación equitativa de muyeres y persones non binaries en tolos ámbitos.**
- **Una sociedá non capacitista ya inclusiva cola diversidá funcional y los cuerpos non normativos.**
- **Polítiques reales de coeducación, formación y sensibilización n'igualdá.**
- **Regularización de toles persones migrantes y abolición de la llei d'extranxería. Zarru de los CIEs y la fin de les deportaciones.**
- **Midíes urxentes frente a la emerxencia climática.**

Llevantamos la nuesa voz escontra les guerres y xenocidios qu'esgañen comunidaes, pueblos y territorios. Desiximos un cese inmediatu de cualaquier aición bélica, amenaces que cébense especialmente coles muyeres, neñes y persones non binaries. Condergamos toles formes de violencia qu'atenten escontra la diversidá y reafitamos el nuesu compromisu con un feminismu inclusivu y tresformador que camude conciencies y construya un mundu llibre, xustu ya igualitariu.

Ponemos nel centru la vida de toles persones, baltando barreres y construyendo pontes de solidaridá.

¡Porque sóbrennos motivos pa siguir lluchando y construyendo un mundu meyor pa toles persones!

XUNTES SOMOS MÁS FUERTES
LA LLUCHA NA CAI FADRÁNOS MÁS LLIBRES
VANOS LA VIDA, VANNOS LES LLIBERTAES

